



Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

XXII. Quae probationes in simonia productae recipientur.

urn:nbn:de:hbz:466:1-20006

Innocentij III. Romani Pontificis. 581

ut juxta formam judicij, sententia quoque forma dictetur.

IDE M CANTV ARIENSI
Archiepiscopo.

Cap. Dilectus.
de simonia.

Dilectus filius magister Andreas nuntius tuus pro parte tua fecit in audiencia nostra proponi quod cum Cantuariensem diocesim secundum consuetudinem prædecessorum tuorum visitas, ut quae corrigenda sunt corrigas, & statuas quae secundum Deum videris statuenda, in monasteriis & canoniciis regularibus & religiosis locis pullulasse reperi simoniacam pravitatem, ita ut in eis multi sint pretio recepti qui potius gratis recipi debuissent, immo etiam ad religionis servantiam invitari. Dubitas igitur utrum quia multitudo reperiatur in causa, severitati sit aliquid detrahendum, an in tales exercere debeas rigorem canonice disciplinæ. Nos igitur inquisitioni tuae taliter respondemus, quod si adversus eos qui labo fuerint hujusmodi maculati accusatio coram te fuerit canonice instituta, postquam crimen ordine fuerit judiciaria comprobatum, tam in dantes quam in recipientes canonice severitatis exerceas ultionem. Quod si de hoc tibi per solam inquisitionem constiterit, eos qui per simoniacam pravitatem in locis talibus sunt recepti, ab illis amotos ad agendum pœnitentiam ad monasteria dirigas arctiora. Abbatibus autem, Abbatissis, Prioribus, prælatis quibuslibet, & officialibus eorundem injungas pœnitentiam competentem, & donec illam peregerint, eos a sacerorum ordinum executione suspendas. Studeas autem omnibus per Cantuariensem provinciam sub intermissione anathematis auctoritate tam tua quam nostra districti inhibere ne talia præsumant ulterius attentare, sed illud dumtaxat grataanter accipiant quod sine taxatione fuerit gratis oblatum, injungens Episcopis ut hanc ipsam formam per suas dioceses studeant observare.

TITULUS XXII.

Quæ probationes in simonia productæ recipiantur.

Idem Priori sancti Victoris, magistris L. Bononiensi & Vb. Mediocensi Canonici.

Lib. 2. epist.
260.

LIET Heli sacerdos in se ipso &c. Et infra. Cum igitur de Abbe Pom-

posiano ea nobis frequentes insinuata fuisse quæ ab honestate regulari nimium dissonabant, inquisitionem eorum viris prudentibus commissarius faciendam, qui cum minimè processissent, ad iteratum sepe clamorem de communi fratrum nostrorum consilio citavimus ad presentiam nostram Abbatem & monachos, ut per nos ipsos causa morbi plenius inquisita, plagam ipsam melius curaremus. Eis igitur ad nostram presentiam accedentibus, quidam ex Monachis nobis ipsum Abbatem de simonia, perjurio, dilapidatione, ac insufficientia detulerunt. Contra quos cum idem Abbas exciperet quod denunciationem hujusmodi fraterna correctio secundum regulam evangelicam non praecesserat, & idem constanter assererent quod correctionem hujusmodi premisissent, licet ad id probandum duorum monachorum juramenta fuissent exhibita, quia tamen super hoc ipso necdum contendere desistebant, nos, ut prædictimus, frequentibus clamoribus excitati, ex officio nostro malitius inquirere de præmissis, omnes omnino monachos, qui vel cum ipso vel contra ipsum Abbatem accesserant, juramenti vinculo astringentes ut de propositis plenè quam scirent exponerent veritatem, quorum depositiones in scriptis redactæ cum publicatae fuissent, super illis cœperunt multiplicitate disputare. Qui verò tum ex assertione monachorum, tum ex Abbatis confessione cognovimus quod idem Abbas non modicam summam pœnunia reliquit à prædecessore suo totam expenderat, & in alia summa majori monasterium obligaverat, nos eum juxta canonicas & legitimas sanctiones propter has & alias præsumptiones quasi de dilapidatione suspectum ab administratione abbatiæ duximus suspendendum. Et quia per testes simonia multis modis contra ipsum Abbatem videbatur esse probata, ipse contra testes multas exceptiones proposuit, super quibus utrinque fuit multiplicitate disputatum, aliis afferentibus in crimine simoniae, sicut in crimine læsa majestatis, omnes indifferenter tam infames quam criminolos non solum ad accusandum sed ad testificandum etiam admittendos, cum ad instar publici criminis & læsa majestatis procedat accusatio simoniae, multis super hoc & legibus & canonibus allegatis. aliis è contrario respondentibus quod licet hæc duo crima quantum ad accusationem quasi paria judicentur, dif-

DDd iij

ferunt tamen in multis, cùm alia pena in uno & alia pro altero inferatur, & inter personas accusatorum & testium sit utique distinguendum, cùm non per accusatores sed testes crimina comprobentur, multis super hoc & rationibus & argumentis inductis. Ne verò vel innocentiae puritas confusa succumbat, vel simoniae pravitas effugeret impunita, nos æquitate pensata, nec omnes exceptions contra testes oppositas duximus admittendas, nec repellendas duximus universas, sed illas duntaxat probandas admisisimus quæ fortè probatae non de zelo justitiae, sed de malignitatis fomite procedere viderentur, conspirationes scilicet & inimicitias capitales. Ceteras autem exceptions appositas, ut furti, adulterij, & hujusmodi, propter immanitatem heresis simoniaca, ad cuius comparationem omnia crimina quasi pro nihilo reputantur, duximus repellendas: quoniam etsi fidem testium debilitarent in aliquo, non tamen evacuarent ex toto; præfertim cum alia contigerit admiracula suffragari. Ad probandas ergo exceptions admissas Abbas quoddam proutulit instrumentum &c.

TITULUS XXIV.

De testibus ante litis contestationem productis & appellatione.

Idem Abbatii sancti Proculi & magistro I. Canonico Bononiensi.

Ad hoc Deus in apostolica sede nos ^{Lib. 1. epist. 362.} constituit totius Ecclesia magistratum ut quia secundum scripturæ sententiam fecit Deus hominem rectum, sed ipse se infinitis immiscuit questionibus, ad eam nodi questionum difficiles referantur, suo recto iudicio dissolvendi. Ad apostolatus quippe nostri notitiam literarum vestiarum insinuatione pervenit quod cùm causa quæ inter B. & R. uxorem ejus vertitur à dilecto filio nostro G. sanctæ Mariæ in Porticu Diacono Cardinale, tunc apostolicæ sedis Legato, vobis commissa fuisset fine debito terminanda, viro ipso ad vos ad instantiam mulieris sèpius convocato, tandem R. patrum suum in causa ipsa coram vobis constituit responsalem. Qui assignata sibi die ut libello responderet uxoris, (quo virum à separatione thori, & ut dotem suam reciperet, de adulterio accusabat) qui (*patruus scilicet*) donec advocatus ejus, qui absens erat, rediret, inducias postulavit. Quibus ad diem certam obtentis, iterum propter eandem causam dilationes similes impetravit. Cùm autem tertio dilationes hujusmodi cum instantia petens, obtinere non posset, publicè proclamavit se nunquam coram vobis aliter responsurum, nec quod aliter suam vobis præsentiam exhiberet. Unde duobus ferè mensibus sic impedito cause principio & progressu, cùm vobis dictus procurator illudere videretur, testes mulieris habito consilio recepitistis, & allegationibus insuper prebuistis audientiam. Quo facto, dictus procurator ad præsentiam vestram accedens dixit se respondere paratum, velle negotio interessere. Qui sibi die statuta, cùm videretur libello de quo

^{Lib. 1. epist. 313.}

De testibus qui ad exceptionem probandam à partibus inducuntur tua nos duxit fraternitas consulendos, utrum cogendi sint super principali etiam negotio ferre testimonium veritati, & an illi sint sicut ceteri testes examinandi districte qui ad purgandam alicujus infamiam inducuntur. Super hoc igitur fraternitatem tuam in Domino plurimum commendantes, quæ in dubiis apostolicæ sedis vult certificari rescripto, taliter ad proposita respondemus, quod si testes induicti jam sint ad exceptionem solummodo comprobandam, cùm super ea tantum juraverint dicere veritatem, super principali non debent audiri nec cogi testimonium perhibere, utpote super quo deponerent non jurati. Si verò cùm ad probandam exceptionem peremptoriam ab alterutra partium inducuntur, reliqua pars super principali etiam eos deponere fortè petierit, & ut cogantur super toto negotio dicere ve-